



UNIVERSITÄTS-
BIBLIOTHEK
PADERBORN

**Io. Baptistæ Portæ Neapolitani Magiæ Naturalis Libri
Viginti**

Della Porta, Giambattista

Frankfurt, 1607

Quomodo alijs modis carnes tenerescant. Cap. III.

[urn:nbn:de:hbz:466:1-70772](https://nbn-resolving.org/urn:nbn:de:hbz:466:1-70772)

Arbos fici plus cæteris lacte copioso prægnans est, sic ve-
 lignum, ramum, pomum, eo plane refarciatur, quapro-
 pter quum amburitur fumus, quem eructat, & maxi-
 me mordet, & vellicat, lixiuum quoque crematorum
 maxime deterget, purgatq; quum & cogitur caseus fi-
 culneo lacte, quod emittit arbor, si virentem faucies
 corticem. Cæterum munere caloris euenire volunt, vt
 iniecto succo lac coeat, qui humoris concrementum &
 aquosum colliquet, proinde calidam, acremq; auram,
 ac digerentem ficus exhalat, quæ carnes alitum de-
 ficcet, ac concoquat, sic vt friabiles reddantur. Eodem
 modo

Caro bubula vt tenerescat.

faciemus. Caules caprifici si addantur ollæ, in qua bu-
 bulæ carnes excoquantur, magno ligni compendio
 elixantur, ex Plinio. Cuius rationem iam ex antipathia
 reddimus. Ad id alludentes Aegyptij hominem nouissi-
 ma calamitate castigatū, designaturi, taurum pingue
 caprifico illigatum; nam quum mugit, si de caprifico
 ligetur, redditur mansuetus. Si volumus

vt legumina tenerescant,

Quia videmus maximā antipathiam inter legumina,
 & orobanchem, quæ ea depascit, & strangulat (hæc ab
 alijs leonina herba dicitur: nam vt leo impie, & odiose
 oues, & pecora strangulat, ita orobanche legumina.)
 Ob id hæc eadem herba leguminibus addita, dum co-
 quantur, facit, vt facilius percoquantur. Faciunt

vt edulia percoquantur,

Omnia lapathi genera, quamuis arida & exsucca fue-
 rint, sic etiam & carnes, vt tenerescant, esuiq; aptæ red-
 dantur. Ob id veteres eis continuo vescebantur, vt in
 stomacho cibos etiam percoquerent, ac aluum emolli-
 rent. Siluestris etiam vrticæ radix simul cum carne co-
 cta, eam teneram facit, ex Plinio.

Quomodo alijs modis carnes tenerescant.

C A P. III.

SUNT & alij teneram carnem reddendi modi. Pri-
 mus si occisa animalia asseruentur sub dio, nam te-

nerescunt, scilicet putrefieri incipientes, sed non tam immorari debent, vt vere putrefiant. Vnde oportet scire eorum qualitatem, quæ plus, minusve asseruari debent. Vnde ad exemplum venient

Pauones, perdices, & phasiani, vt teneriores fiant.

Occisus pauo, ex hac authoritate, duobus diebus, hyeme tribus asseruatur, vt durities carnis remittatur. Haliabas per tres dies suspensus relinquit, lapidibus ad eorum pedes alligatis. Sauonarola per decem dies suspensus sine pondere. Perdices recenter quidem macatas non esse edendas monet Simeon Sethi, sed post diem, aut alterum comedi, vt amittant quod est durum. Phasiani æstate biduo, hyeme triduo suspensi, & iugulati seruari debent, priusquam coquantur ad cibum, ex Arnoldo, & ne longiores simus, idem de alijs intelligendum iudico. Simile erit

vt aues tenerescant,

Si noctu macatas Lunæ radijs expones, coctusq; teneriores euadent, nam Luna ad carniū teneritatem plurimum confert, quæ nihil aliud est quam putrefactio quædam. Hinc ligna ad lumen Lunæ cæsa, citius putrescunt, & fructus celerius murescunt, vt Daphnis Medicus apud Athenæum.

Crustata animalia quomodo teneriora euadant.

C A P. I V.

PRIVS QUAM sermonem absoluamus carnes teneriores reddendi, non erit ab re caneros teneriores reddere, & alio modo quam in superioribus diximus, Quomodo fieri debeant

Canceri, vt teneram crustam efficiant,

Romæ ita efficiuntur, & dulce & optimum obsonium magnatum mensis apponerur, de ijs loquimur, qui in dulcibus aquis nascuntur: nam Venerijs edimus sponte mari nascentes moll. s, quos vulgo *mollucas* vocant, sed non ita dulces, vt Romæ facitatur, qui pro singulis Iulium aliquando exposcunt. Modus hic erit, Iunio, Iulio, Augusto, Septembri mensibus canceri solent cor-

tices